

دائرة مخصوصه

درسعادتده باب عالی جوارنده

محل اداره :

مشرط القلم

اخطار :

مسلكمزه موافق آثار جديده مع المنونيه
قبول اورانور

درج ايندلهين آثار اعاده اورانور

دينه، فلسفه، علوم، حقوق، ادبياتده و سياسياتده و باطاحه كرك سياسي او كرك اجتماعي و مدني احوال و مشوره اسلاميه در بحث ايدر و هفته در نشر از انور.

آبونه بدلی

صاحب و مؤسسری :

درسعادتده نسخه سی ۵۰ پاره در

ابوالعلا زين العابدين - ح . اشرف اديب

سنه لکی التي آيلنی

ممالك عثمانیه ايچون	۸۰	۴۰	غروش
روسيه	»	۶۵۰	۳۵۰ روبله
سائر ممالك اجنبیه	»	۱۷	۹ فرانق

تاريخ تأسيسی

قيرله دن مقوا بورو ايله کوندريليرسه سنوی
۲۰ غروش فضله آلير

۱۰ تموز ۳۲۴

سوره سلامیه:

در احوال

صحت هایون حضرت خلافتیناهی

سوکلی پادشاهز امیرالمؤمنین افندمن حضرتلرینک راحتسزلقلری له الحمد والمنه مبدل عافیت اوله رقی حال نقاهته کیردکلری استبشار اولمشدر . برای عیادت سرای هایونه کیدن وکلای حضور هایون جناب خلافتیناهیلرینه قبول ایله التفات بیورمشلر و راحتسزلقلرینک ایلاک کوننده شدت حرارتدن اندیشه ایتدکلرینی و خسته لقلرینک قزاموق اولدیغی، هیچ ظن ایتهمش اولدقارینی و مع مافیه کندیلری جناب حقه صوک درجدهده متوکل بولندقلرینی سولمشلردر . ذات حضرت ملوکانه :

« موت بر امر ربانیدر . جناب حقه اعتقاد صمیمی ایله متوکل اولانلر موتدن چکنمزلر . بنم یالکنز بر آرزوم واردرکه اوده ملتعی تماماً مسعود و بر دوره رفاهه داخل کورمدن حیاته وداع ایتهمکدر . اثرینی کورمکده اولدیغیم رفاهیت و ترقی تمامیه حاصل اولدقدن صوکره ترک حیات ایدهیم . بر پادشاه ایچون اک بویوک محظوظیت ملتعی بختیار کورمکدر ، بختیار بیراققدر . »

بونک اوزرینه وکلای مشار الیم بوتون ملتکده اک صمیمی آرزوسی پادشاهنی دائماً صحت و عافیتده کورمک و پادشاهنک زیر اداره سنده اوله رقی مسعود بولنق اولدیغنی و بوتون ولایتلردن بوکا دائر تلغرافلر ورود ایتدیکنی عرض ایتشلر و بومعروضات بک زیاده محظوظیت ملوکانه بی مستلزم اولمشدر .

بویله عالی سوزلی ، عالی اوزلی بویوک و محب ملت پادشاهک طول عمری ایچون بوتون افراد اهالی جناب حقه رفع ایادی دعا ایلر واعاده عافیت ملوکانه دن طولایی سجده شکرانه قاپانیر .



طین رفیقمز شو بشارته تردیفاً بیانات آتیاده بولنیور : سوکلی پادشاهز سلطان محمدخان حضرتلری کاملاً اعاده عافیت بویورمشلردر . شیمدی یالکنز خسته لغک دوره نقاهتی قالیورکه بونکده کال عافیت وسهولتله کذران اوله جنی عنایت باریدن مأمول قویدر . یالکنز برای احتیاط بو هفته ینته سلاملق رسم عالیسی اجرا بویورلمیه جقدر .

ذات حضرت پادشاهی داخلیه ، عدلیه ، مالیه ناظرلرینی حضور شاهانه لرینه قبول بویورده رقی مهم امور دولت حقنده معلومات اخذ وتلقی ایتشلر و اوراق معروضه بی تدقیقه ارادات شاهانه لرینی ارزان بویورمشلردر .

بوخبر عافیت ، بوتون عثمانیلر ایچون برخبر سعادت و بشارتدر .
استفسار خاطر هایون ایچون سرای ملوکانه یه کیتمش اولان بر جوق رجال دولت ، دفتر مخصوصه اسملرینی قید ایتدیرمشلردر .



بوسنه مکتب حربیه عثمانیه دن ضابطلکله نشأت ایدن ذواتدن ممالک عثمانیه نک غیری بلاد اسلامیه یه منسوب بولنانلر . پیاده صنفندن : سعدالدین افندی بوسنه ، محمد سعید افندی تاجورا ، شهاب الدین افندی وارنه ، شوکت افندی طاغستان ، ایوب صبری افندی قارص ، فائق افندی طاغستان ، اسماعیل حقی افندی بوسنه ، محمد امین افندی بوسنه ، علی رضا افندی قارص ، کاظم افندی هزارغراد ، نورالدین افندی فاس .



افغانستان:

اسلحه تجارتنک منعی حقنده کی تدابیر عقیم قالمشدر . افغانستانه هان هرکون متنوع اسلحه ادخال ایدلمکدهدر . اهالی دده اشترا ایچون بیوک رغبت کوریلایور . امیر حضرتلری تبعه سنک سلاحنمسنه اغراض عین بیورمقله برابر بواسلحه نک لزومسز برلرده استعمالی تحدید ایده جیک تدابیری دوشونمکدن دخی خالی قالیورلر . حتی کچنلرده بالناسبه ایراد ایلدکلری نطقده «سلاحلر عرض و مال واسلامی محافظه ایچون تدارک ایدیلور قافله اورمق نهب وغارتده بولنق ایچون دکل» بیورمشلردر . امیر حضرتلرینک بونصایحنی هرزمان ایچون نظر اعتنادن دور طوتماملرینی بزده حسب الاخوه قمنی ایدرن .

هندستان:

مشهور دارالعلوم مکتبی مؤسسی استاد فاضل شبلی نعمان افندی حضرتلری قریب آدهلی ده انعقادینه دلالت ایتمکده اولدقلری قونغرده موضوع بحث ایدیه جیک علما جمعیتنک مقاصدی حقنده مطبوعات محلیه تبلیغات آتیاده بولمشدر .
جمعیت علما :

۱ — مختلف مملکتلرذن قونغره لره اشتراک ایدن ذوات فاضله یه برای تدقیق مسائل مذهبییه احضار ایده جک و بومسائل جمله سندن اوله رقی :
۲ — اسلاملرده مذاهب اختلافاتندن تولد ایدن تأثیرات سقیمه نک ازاله سی .

۳ — اسلاملرک بر تربیه دینییه حقیقه کوره رک محتاجی بولندقلری عقائد وامور صحیحه مذهبییه لرینک کندیلرینه تعلیمی

۴ — تاریخ اسلامک بین المسلمین تعمیم تدریسی

۵ — یالکنز انکلیزجه یه رغبت کوسنن بر قسم اولاد اسلامک علوم دینییه ده تشویقلری خصوصاتیده قونغره نک نظر تدقیقه عرض ایلیه جکدر .

§ هندستان مطبوعات قانون جدیدی بنغاله ولایتده شدتلی بر صورتده تطبیق ایدلمکدهدر . بک جوق غزته لر قیامش وصاحبلری درجات متفاوتده حبسه محکوم اولمشدر .

§ افغانستانده کی مسعود قبیله سی هندستان حدودینه طوغری

تجاوزاتده ونهب و غارتده بولمقدهدر . وملاياوند اسمنده بر ذات افغانستانده اسلحهك اوجوز بولنديني بر زمانده تسليحه موفوق اولديني عساكريله هندستان حكومتنه قارشى مشكلات احدات ايلكدهدر . حكومت امن و آسايشى دائمي صورتده اخلاص ايدن بواجوالدن طولاي اندیشه ناكدر .

مصر :

ازهر طلبه عمومى متينغلر عقد ايدرك حكومتدن مطالبات آتیهده بولمقدهدر :

۱ - - وظیفه تدریسك اهل وكفو اولان ذواته توديعى ودرسلك طلبهك سفته واشتغال ایده جكلى زمانه كوره نتیجه مطلوبه يي بر آن اول الده ایده جك صورتده تقسيمى

۲ - - علوم جدیده عصریهك حال حاضرندن دهامكمل صورتده تدریسی ومكتبلره ويرلمكده اولان آلات وادوات فنيه وتدریسیهك مدرسه لرهده توزیى

۳ - - ازهر كتبخانه سته علوم جدیدیه دائره كتابلر قونيله رق طلبهك هر زمان ايجون اوكتابلردن مجاناً استفاده سى اسبابك تأمینی .

۴ - - يك آغیر امتحانلره تابع طوتیلان مرتبه اولی ونانیه مآذونلرینه بوكفله متناسب درجهده امتیازات طانیله رق مثلاً مرتبه اولی مآذونلرینك مكاتب سائرده كنندى درجه لرنده بولنانلره بخش ایدیلان امتیازاته نائل اوله رق مركزده كى محاكم شرعیه وازهر وادواق اداره لرنده استخدا م ومرتبه ثانیه مآذونلرینك ده جوامع شریفهده خطابت ، واعظلك ومحاكم شرعیه كلیهده كتابت كبی وظیفه لره تعیین ایدلملری .

۵ - - علمایه نفریق ایدیلان تخصیصاتك علمایله طلبهك معروض بولاندقلى احتیاجات ايله متناسب بر صورت معقولهده تقسیمى .

۶ - - مكتب قضاة مآذونلرینه قضا وافتا خصوصنده طانیلان حقوقك مرتبه ثالثهده عالمیت رؤسنى حائز ازهر مآذونلرینه تشمیلى ۷ - - اساساً هر سته امتحان ويرمكه قانوناً مجبور بولنان ازهر طلبهك عسكركلكندن معافیتی ايجون آيروه قرعه امتحاننه تابع طوتیلما سى .

۸ - - ازهرده بالفعل تدریسه مأمورا اولان ذواته تاریخ تعیینلردن اعتباراً معاش تخصیصى .

۹ - - سته امتحانلرینك طلبهك بر ستهك مكاتبات علمیه سته حصریله علوم جدیده تحصیل ايجون وضع اولنان قیودك طلبه لهنه تفسیری .

۱۰ - - ازهر شیخی ايله وکیلنى واداره اعضا لریله مفتشى ازهر علماسندن لاقل یوز ذاتك بالاجتماع انتخاب ایتلملى ومذاهب مشایخى او مذهبه بولنان علما موجودینك نصفندن فضله ستنك اجتماعيله انتخابی ، مفتش معاونلرینك ورواق شیخلرینك وبودرجهده بولنان مأمورین سائر ك لاقل الی ذاتدن تشكلى اید ، جك بر جمعیت علما طرفندن انتخابی وبتون بواختابلرده رأى خفییه مراجعتله اكثريت آرانك معتبر عد اولملى وتساوى حالنده قرعه شرعیه به توسل ایدلملى - موجودلرك بوقواعد تطبیقاً بقای مأموریتلى واداره

اعضاسیله مفتشلك اوج سنده بر تبدیلملى اجرا ایدلملیدر . ۱۱ - - قانونه تجاوز حالنده مدرسله تطبیق اولنان احكام جزائیةك بالعموم ازهر مستخدمینه تشمیلى .

۱۲ - - ازهر مشیختندن انفصال ایدن ذواته قید حیات شرطیله شرفلریله متناسب مقدار كافی معاش اعطاسى .

۱۳ - - علما وطلبهك سنده بر دفعه مملكتلرینه عزیمت وعودتلرنده شمندوفر قومپانیه لرنجه مجاناً نقللری .

۱۴ - - ازهره دائر وقفیه حجتلرینی احتوا ایدر بر دفترله اعیان وقفیهك احوالى كوسترر دیگر بر دفترك ازهر كتبخانه سنده انظار عمومیه به وضعى .

تونس :

تونسده (جامع كیر) دارالعلومى طلبه سیه حكومت آرهنده بر اختلاف تحذات ایتشدر . طلبهك مسلحاً مدرسیه دوام ایتدكلى بهانه سیه تونس حكومت محلیه سى مدرسیه یی قیامغه قرار ویرمشدر . اسلاملرده كى آثار انتباه اجنیلرك ایشنه كلیككندن منابع انتباه اولان مكتبلره ، مدرسسلره هجوم اولنیور . روسیهده اسلام مكتبلری قیانیور . بیچاره ازهر طلبه سى قاهره سوقاقلرنده آواره آواره طولاشیور . هندستانده مكاتب اسلامیه آغیر استبداد زنجیرلری النده ایلکیور . ایشته تونس دارالعلومیده مصنع مرتب بهانه لریله آرقداشلرینه الحاق اولنیور . علمای اسلامیه من ایهه حالا بومهم مسائل حیاتیه یی نظر اهل ولاقیدی ايله تلقی ایدرك بربرلریله اوغراشمقندن رطب ویابس الفاظ كورتلیرندن وازكمیور . لاحول ولاقوة الا بالله .



طبرعات سریه :

قزنده منتشر (بیان الحق) غزته سى معلم یتشدرمكدن بختله دیوركه :

« معلم یتشدرمك وصری حاضرله مق نه قدر مسئولیتلى ، نه قدر مهم برایشدر . بركره دقت ایدیکز : معلم حاضرله جق معلم ، بیكگرجه جوجقلى تربیه ایده جك مستقبله كى صربی لری یتشدرمكدر . وطن یاورولرینه حسن اخلاق واسلامیت تعلیم ایده جكدر . استقبالده ملتزه ایدیلجك خدمتگر بولرك سوزینه بولرك تربیه سته باغلیدر . اكر ملیت وقومیتى حمایه ایدوب علوم وفنونه رغبتلى وطنه خدمت ایدر معلم یتشدرمكده او معلم لره شاگردلرینی شو روحه وشو فكره موافق تربیه ایتكه غیرت ایده جكدر .

برقاچ كون مقدم تقریباً ۳۵ سنده برى معلمك ایتكده اولان روس تاتار اوچیتلسكى اشقولا ستنك دین اسلام وتاتار لسانی معلمی طیب افندی مرحومك ارتحال وقوعبولدی جناب حق روحنى شاد وقبرینی منور ایتسون آمین .

شمدی یرینه دیکرمعلم تعیینی البته لازم اولاجقدر . لکن بوذاتك یرینی کیم اشغال ایده جك ، ۲۰ میليون خلقه معلملر حاضرله منی کیم اوستنه آلاچق ؟ البته بووظیفه یی درعهده ایتك ایستیان افندیلر یالکیز حكومتدن آلاچنى معاش ايله حیاتی نصل تأمین ایده جككى اوز حالى نصل اصلاح ایده جككى دوشونملى ، اك اول یكرمی میليون خلقه معلملر ویرمكى وبویكرمی میليون خلقك معلملرینه اك مهم دینی معلم اوله بیلیمك لندن كلوب كلیه جككى وجداناً